

ليلة الحركوا خيام حسين ليلة يا هي من ليلة
فرن أطفال النبوة وبالبراري تاهت العيلة
خوف وأخطار وأعادي حمل أبو اليمه صعب شيله
صراخ أيتامه ملا البر ماكوا واحد لحظة يصغي له
مادروا لوينه يفرعون
غربة يا ولينا بلايا عون
بعض هام ابظلمة البر بس يناشد حيدر ادخليه
ما بقى غير الحراير وأخت لحسين تحفظ العيلة
وينها ووين الرزايا حرمة ما عندها بعد حيلة
جيش ابن سعد احتوشهم ما رعتهم زلمه وخيله
منظر اعلى زينب ما يهون
تنظر اليتامى ينتخون

والله قهر تعالين أخوها على حرّ الجمر
وبو فاضل الناييم اعلى النهر
وعلى الأكبر اللي تقطع وذو
تنتظرها النياق الهزيلة تركب اعلى العجاف النحيلة
الدهر خان بكل لخوان والدرب للسبي صعبة وطويلة
وين الصبر أنا بعيني شفت الأخو يعتفر
على صدره جالس يويلي شمر
بلا رحمة يفري ويريد النحر
منهو يتحمل ايصد خليله والعدو عالصدر تجري خيله
سيد لكوان مات عطشان وعاد مهر الهدى عالي سهيله

وصّاتي بعياله وبيئاته
وسفه بعضهم ضل بالصحاري
ماهو بيدي اللي جرى يا خويه تعلم
حقي لو أنثر دموعي خويه من دم
أطفالك الماتوا بالبراري
أنه العليّه خويه غضبيته
اثنين ضاعوا يا حبيبي والله يعلم
تحيرت وأركانها هدها التعب والههم

وجفني عليهم لو لحظة مارف
مو بيدي والله يا خويه آسف
من ظلم هاي الأعادي منهو يسلم
والخفى اعليه يغالي أدهى وأعظم
بيهم بلا شك يا خويه تعرف
والباقي بيهم بارينا أطف
مدري چا وين اشردوا أولاد مسلم
أحق الأطفال لو أحمي المخيم

الله يعين الغريب اللي تمنى يحظى بالراحة
هايم ابّالدة أجانب منقطع من قلبه سبّاحه
عينه ما تغفى بنهاره وليله ترعب قلبه أشباحه
بيجي سكتة خايف الجدران تسمع صوته ونياحه

همسه يحجي خايف يسـمعون
ويدري ابمصيره للسـجون

يلفي يا حيّ يقصد أي بيت محد ايريد يخاطر بروحه
چنّه مكتوب اعلى كل باب داره لا ما هي مسموحه
أنته مطلوب اويّا خيّاك والجوائز كثيرة مطروحه
لا تآمن تدخل أي دار لا تغرّك كلها مفتوحه

باعوا الضماير للـخـؤون
ابعد اويّا خيّاك لا تجـون

موت وألم يراقب خطاكم جدم ويّ جدم

حذاري إجاكم من الطف سهم

مثل سهم لحسين وراعي الشيم

تنتظركم مواقف عصيبة وكل مصيبة تهوّن مصيبة

غربة أوطان سجن وسجّان والطـوامير اشـكـرـها رهيبـة

خط القلم فتاوى ذبحكم أمرها انحسم

وشوف ابنحركم خطر منرسم

بلسيوف وحبر الدما منختم

دفعوا يا أولاد مسلم ضريبة لنكم أولاد النبي والنجيبة

الوعد حان لبسوا أچفان وكل حبيب ايودع عيون حبيبه

ليش ابدماهم متخضب الكف

دمعته أنهار من عينه تذرف

ما تشوف اعياله لو لحظه هنية

وهاي حسره تمشل للطاغي سبيه

يمته دماهم يا لحظة تنشف

طبرة علي لو فاطم لو الطف

مثل لحسين البطل بالغازريه

من وطت صدره خيول الأعوجية

الله يدهر الجافي عليهم

حتى الصخر فت قلبه بچيهم

طه يا دهر اشجانا من أذية

هذا من سيف الظلم ذاق المنيه

كافي بعد عاد قسوة ضميرك

يا محنه ننسى لو يا رزيه

أبد ما واحد تعذب بالبرية

اهتزت الأركان والسبع العليه

من سجن ندخل سجن ليش يا جريمه بالله سويننا
لا ذنب وبلا جريرة بالغرب ما بين أعاديننا
ليش كل هالوادم تلوج وبالديار اتدور اعليننا
ما هو كافي فقد أبونا اللي انغدر بالكوفه يكفيننا
احنا جدنا سيد ال — — مرسلين
واحنا لليودنا شافعين
شيل سيفك عنا يا شيخ واحنا نضمن جنه ميعادك
احنا أولاد النبوة وكل أهاننا همة أسياذك
خذنا اللطاغي هدية ونول مال او اكسب امرادك
ليش تذبحنا يخايب ما يحن في صدرك أفادك
ودنا للدعية سالمي
قلبك بعناده ما يلين

چن ما سمع رفع ايده ولخد لكبر صفع
على الكاع لصغر يويلي وگع
ولا حن قلبه مسيل الدمع
والعجوزة تدافع اعليهم والقلب منكسر من بچيهم
عابد أو ثان قلبه ما لان وين أبو الحمله وينه يجيهم
لا ما ارتدع رفع سيفه ولراس لكبر گطع
ولا همه دمع الطفل ما شفيع
اختلط دم أخوه ابمسيل الدمع
ما راعي طه والزهره بيهم ما قنع عقله حجة حچيهم
قلبه شيطان ما هو انسان والمسيب يصب مايه ليهم

والأصغر الشاف رقية عضيده
عد عدة الموت هلت دمعه
لحظة لن سيف اللعين بسرعة صابه
ما لحق يصرخ بصوته أه بيابه
حكم الملاعين ويا اليتامي
ذبهم ابضيم وبكل صلافة
مو عجب مما جرى ولا من غرابه
ما منعهم جده وآيات القرابه
هام ابحسرتة وأعضائه ترجف
مجتوفه دينه بيهن ميكشف
وگع يم جثة أخوه ابن النجابه
شنهو ذنب أطفال محكوماه ابخرابة
ما مرة وفي ولا بحظة أنصف
جافي بلصغار وعلهم أسرف
يكفي ذكر حسين وهمومه ومصابه
هذي مو دنية المؤمن هذي غابه

لولا دي دمعي جرى
هاموا حسرى

بالمحنة متصبرة
وسط الصحرا